



Pou Piblikasyon Imedya: 21/06/2023

GOUVÈNÈ KATHY HOCHUL

GOUVÈNÈ HOCHUL ANONSE SENPOZYÒM INOGIRAL MENDÈV ETA NEW YORK LA SOU DIVÈSITE, EKITE AK ENKLIZYON

Rasanble pratikan divèsite, ekite ak enklizyon ak dirijan ki soti nan ajans Eta yo pou aprann sou pi bon pratik ak estrateji pou aplike yon lantiy DEI nan travay yo yon fason ki pi efikas

Gouvènè Kathy Hochul te anonse jodi a senpozyòm inogiral Eta New York la "Fè avanse divèsite, ekite, ak enklizyon nan mendèv Eta New York". Senpozyòm nan te reyini pratikan ak dirijan divèsite, ekite, ak enklizyon tout ajans Eta a pou aprann sou pi bon pratik ak estrateji pou aplike yon lantiy DEI nan travay yo yon fason ki pi efikas.

"Divèsite se pi gwo fòs nou nan New York epi sa reflete nan administrasyon ki pi divèsiye nan istwa eta nou an", **Gouvènè Hochul te deklare**. "Pandan nou reyini nan espas tankou sa yo, li enpòtan pou nou aprann youn nan men lòt epi redouble angajman nou nan travay enpòtan pou ogmante divèsite ak enklizyon atravè gouvènman Eta a. Ansanm, n ap kontinye bati yon avni ki pi briyan pou asire ke tout moun ka jwenn aksè nan Rèv New York la".

"Soti nan espas travay nou yo, pase nan kominote nou yo rive nan pwòp sistèm demokratik nou an, nou ka reyalize objektif nou yo sèlman si tout moun enkli nan pwosesis la", **Gouvènè Adjwen Delgado te deklare**. "Se poutèt sa divèsite enpòtan - se sèl fason nou kapab maksimize tout potansyèl aksyon kolektif nou an. Lè nou priyorete divèsite, ekite, ak enklizyon, nou ka pote pèspektiv inik nou yo bay gouvènman Eta a ak nan lavi chak jou nou, travay ansanm pou rezoud pi gwo pwoblèm nou yo epi fè New York avanse".

Dirije pa Konsèy Konsiltatif Divèsite ak Enklizyon Mendèv la, avèk sipò Biwo Divèsite ak Enklizyon Gouvènè a ak plizyè ajans eta a, evènman an pèsòn tout jounen an te gen ladann oratè ekspè, atelye, prezantasyon prim ak devlope relasyon estratejik.

Julissa Gutierrez, Ofisyen Divèsite An Chèf, te deklare, "Senpozyòm jodi a sèvi kòm yon apèl retantisan pou aji, li deklanche detèminasyon kolektif nou pou ranfòse efò nou yo ak apwofondi konpreyansyon nou sou fason pou santré divèsite, ekite, ak enklizyon nan travay nou. Lè nou pwofite meyè pratik pou sèvi tout Nouyòkè yo, n ap pote yon chanjman enpòtan epi fòme yon Eta kote nou tout ka pwospere".

Komisè Depatman Fonksyon Piblik la (Department of Civil Service, DCS) Timothy Hogues, te deklare, "Senpozyòm jodi a reyini divèsite, ekite ak enklizyon pati ki konsène yo atravè ajans eta yo pou mete aksan sou tout sa Eta New York ap fè pou atire epi kenbe yon seri talan nouvo ak divèsifye nan mendèv Eta a. Nan Depatman Fonksyon Piblik la, nou kontan pou nou avanse ak plizyè inisyativ enteresan ki te enkli nan bidjè ane sa a ki pral avanse efò sa yo, soti nan pwomosyon aksè egal nan karyè nan fonksyon piblik ak agrandi opòtinite travay pou moun ki gen andikap, rive nan fè Nouyòkè ki soti nan tout kominote yo plis konsyan de anpil opòtinite karyè enpòtan ki disponib atravè sèvis piblik. Anba lidèchip Gouvènè Hochul, n ap kontinye montre chemen an isit la nan New York nan ranfòse divèsite atravè mendèv Eta a, ankouraje anviwònman travay ki gen respè ak enklizif, epi kreye chemen pou enkòpore prensip opòtinite egal nan biznis ak règleman ak pratik operasyonèl Eta a ak anpil pwogram ak sèvis vital yo bay piblik la".

Senpozyòm nan te prezante konferansye prensipal Rosanna Durruthy, Vis Prezidan Divèsite, Enklizyon, ak Apatenans nan LinkedIn, ki se yon lidè enflryan nan kreye opòtinite divèsifye, enklizif ak ekitab nan espas travay ak pi lwen. Senpozyòm nan te prezante tou kat atelye ki gen rapò ak devlopman kapasite pou fè avanse divèsite, ekite ak enklizyon nan Eta New York:

- Metòd chanjman òganizasyonèl DEI: Yon entwodiksyon nan estrateji pou sipòte chanjman DEI alontèm
- Evalyasyon òganizasyonèl DEI: Santre ekite ak aksesibilite nan règleman
- Itilize done pou dirije estrateji DEI: Opòtinite ak menas nan moman konvèsyon done pou tounen aksyon
- Entegre DEI nan sik lavi anplwaye a

Anplis de sa, nan kad senpozyòm lan, eta a te rekonèt akonplisman yon pratikan DEI eta a ak de ajans eta ki te fè kontribisyon eksepsyonèl pou fè avanse inisyativ DEI yo pou Eta New York. Prim yo te selebre moun ki te demonstre ekselans atravè efò yo pou sipòte yon anviwònman travay enklizif ak amelyore egzekisyon pwogram ekitab nan domèn yo. Yo te remèt twa prim yo bay:

- Nancy Harvey, Direktè Divèsite, Ekite ak Enklizyon nan Otorite Enèji New York (New York Power Authority, NYPA)
- Biwo Sèvis pou Timoun ak Fanmi (Office of Children and Family Services, OCFS) nan Eta New York
- Biwo Pak, Lwazi ak Prezèvasyon Istorik (Office of Parks, Recreation and Historic Preservation, OPRHP) nan Eta New York

Kòm premye fanm Gouvènè New York, Gouvènè Hochul te yon defansè pou divèsite, ekite ak enklizyon. Youn nan premye priyorite li yo se te chanje kilti nan Albany epi retabli konfyans pèp la nan eta a. Li te inogire yon nouvo epòk pou gouvènman an -

youn ki kolaboratif, transparan ak responsab - epi li te adopte [nouvo mezi](#) ki vize pou kreye yon espas travay ki an sekirite ak respekte pou tout moun.

An 2022, Gouvènè Hochul [te nonmen](#) premye Direktè Moun Andikape eta a pou dirije inisyativ eta a pou ogmante ekite pou moun ki andikape yo. Ane pase a tou, Gouvènè Hochul [te lanse](#) novo Biwo Aksè Lang pou sipèvize ak bay konsèy sou politik aksè nan lang elaji nan tout eta a. Nan Bidjè ane fiskal 2024 la, Gouvènè Hochul te pran [plizyè mezi](#) pou rann egzamen Fonksyon Piblik yo pi aksesib, tankou anile frè egzamen fonksyon piblik yo, ki pral retire yon gwo baryè pou antre nan fonksyon piblik, patikilyèman pou kandida ki soti nan kominate ki tradisyonèlman majinalize yo. Bidjè ane fiskal 2024 la te enkli tou 3.5 milyon dola nan [finansman](#) pou Inite Prevansyon Rayisans ak Prejije nan Divizyon Dwa Moun pou konbat ogmantasyon enkyetan nan krim rayisans yo. Ane sa a, Gouvènè Hochul te fè nominasyon istorik tou, tankou [nominasyon](#) Jij Rowan Wilson kòm Jij anchèf nan Tribunal Apèl Eta New York la ak premye Jij Anchèf Nwa Tribunal Apèl la, ak [nominasyon](#) Seth Marnin nan Tribunal Reklamasyon Eta New York la, ki se premye gason transeksyèl nan istwa Ameriken ki sèvi kòm jij.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418